




هکرای کبیردا ازیقان ایکی بر
توغقان نینک حکایه سی



کاشغر شهزیده باسیلادی



هکرای کبیردا از یقان ایکی بر توغقان نینک

حکایه سی

اوتکان زماندا تاغ خلقیدین طاهر و عبدقادر دیکان ایکی بر توغقان بار ایبری. بر کونی اولار نینک یراق بر شهرده تورادور غان توققانلاریدین نهایت بای بر کشی آخر عمریده اولارغه تولا مال وصیت قیلیب قویوب وفات بولغان خبری کلدی. اولار بو خبرنی انکلاب درحال قچرلارینی مینیب یولغه چقتیلار. بیابان نینک چتیداکی بر کنتکا کلکانده اوزلاری یول بیلماکان اوچون یولنی یخشی بیلار ورغان بر کراکش بیلان بلیه بارماقچی بولدیلار لیکن کاروان یورکالی تخی ایکی ای بولغان اوچون چاره تاپالمای باش لاری تایتب توروب ایبری. اخشامدا سرایدا قونغان بدوی عربلار نینک بری بیلان کوروشوب قالیب سفری نینک سببینی عربکایان قیلدیلار. اول ایتی سیزلارنی من باشلاب بارورمن. یول نینک اوی چوقورینی و یخشی قدوقلارینی بیلورمن. ایکی توکم بار اوزوق سالار ورغان و سولار ورغان تولوملاریم هم بار. من بیلان بارسانکلار هیچ فینالمای تماشاه برله کنارمیز. اولار بو سوزنی انکلاغاندا تولا خوش بولوب معقول دیدیلار. اما اول بدوی بیابان نینک بولک طرفیدین کلکان بولوب کبی نینک اعتباری یوق یالغانچی بر ارم ایبری و یولنی بیلماس ایبری. بو ساره دل بیچاره لار انکا ایشانیب کراسینی سوزلاشیب بهاباشی بریب ایرته سی قچرلارینی ساتیب اوزوق تالقان الیب مزکور بدوی بیلان یولغه چقیب کتیلار. اول کونی هر جهتدین خاطر جمع و کوندلاری خوش ایبری. بدوی

اخشاملیققه یخشی سو بار یرکا ینامیز ریکان اوچون تولوملاردا کی سورین جیق جیق ایچتیلار. تولوملارنی قوروغلاب بولغاندا کچ بیلان سویبی اچیق بر قدوققه یتیلار. ناعلاج شور سورین ایچیب تخی آشوغراف اوساب کتیلار. ایرته سی قویقاندا بدوی مرانه بولونکلار اخشاملیققه ینه بر قوروققه ینامیز دیدی. بولار شور سورین تولوملاریغه الیب کچغچقه یول مانکدیلار. قوروققه یقین اچکو باقیب یورکان بر پاره چیغه اوچرانیلار. اینیکدین قدوق قانداغ ریب سوراغاندا پاره چی ایتی آگاه بولونکلار بو قدوقدا بعضیده سو بار بعضیده سو یوق روز. من حاضر شوندین کلدیم اندا سو ناپاریم. بولار ناچار اول کچقه نی اوسوزلوق بیلان یاتیب اوتکارزیلار. اگر تولوملاریدا آزغنه سو قالماغان بولسه اوسوزلوقدین هلاک بولور ایرری اولار بدوی بیلان بر دم تووالاشقاندین کین الدیمیزا ینه قدوق بار مو ریب سوریلار. بدوی الدیمیزا کی قدوق نینک سویبی تولایخشی م سوغاق ریب اولارغه یالغان اینسه م کونکلیکا شک توشکان اوچون اوز ایچیده قوروقالی تورری چونکه بو وقتغچقه چونک یولدا کتیب بارامیز ریب خیال قیلور ایرری. اخشام بولغاندا یراقدین بر قدوق نینک نشا نه سیننی کوروب همه سی خوش بولدیلار. نهایت اوساغان اوچون اول سورین ایچالی ریب الدیراب کلیم باقسه لار سویبی یوق اغیزینی برکتیب قویغان کهنه بر قدوق ایکان. بولار نینک هوش کله لاریدین کتیب بدویکا سن نه ایشقه بیزنی الداب مونداغ قین اولومکا باشلاب کلدینک ریب رشنام بریب اوروشتیلار. اول شوک تورری. شونییک بیلان یاتیب اوخلاب قالدیلار چونکه اولار زیاره هارغان و اوسوزلوقدین اولومکا یقینلاشقان ایریلار. اما بدوی

کچھ ۵۵ قویوب توکە لارینی الیب قاجیب کتی . بو بیچاره لار مونیکن
رین خبری یوق اویغانیب بائسه لار اوزلاری یالغوز قالیب دور .
حیران و سراسیمه بولوب هر قانداغ بولسه امید لارینی اوزمای دیر کمرسه
اوجرار دیب خیال قیلیب الدیغه یور دیلار . روبه قوملارنینک اراسیدا
ایکی ساعتچە مانکنغاندین کین یولدین آزیلار . کتیب باریب بر
روبه قوم نینک اوستیکا چیقاندا عبدقار اولوک آواز بیلان خداغه
شکر ایتی چونکه انکا روبه لارنینک اراسیدا کی توز بیرره کولده کی
سوریک پارقیراغان بر نرسه وانینک اطرافیدا درختلار تورغاندیک
کورونکان ایردی . اما اول کورونکان سو بولمای توز بیابانلاره ایسیق
هوار سوریک کورونارورغان سراب دیکان نرسه ایردی . اولار تاغلیق
بولغان اوچون مونی بیلمای خوشلوق بیلان درحال روبه رین توشوب
سو ایچکالی اول طرفکا بار دیلار . یقین بارغانچە سو کوزین غایب
بولدی . بیلدی لار کی سوریک کورونکان قوم و درختلار دیک کورونکان ات
تیکان ایکان . مونی کوروب عبدقار ایتی ای برار منینک مصلحتینمی
انکلاسانک آرقه میزغه یانالی شایدکه اولماسدین ایلکری سوغه
یتکایمیز . طاهر ایتی اکر یانساق هلاک بولورمیز دیب قورقامن
مینک کونکوم ایلکریراک بارغالی کواهلیق برارور . آرقه میزراکی
قدوقلار قوروق ایردی حلی هم شونداغ دور . اما عبدقار یوق من
ایلکری بارمایم دیب اونامای آرقه سیغه یانیب کتی طاهر الدیغه
قایلاب کوچی یتیشیچە یوردی . آفتاب نینک تابوشیدین اولسالی
یقین بولغان حالتده یراقدین بر بلامان نینک آواری انکلاندى .
لیکن طاهر چونپوتمای اوز اوزیکا بو هم یالغان بر اوند دور بلکه
اولوم نینک خبری دور هر قانداغ بولسه بارای دیب یقینرات بارغاندا
اول یالغان بر اوند بولمای قوی باقارورغان پارەچی نینک بلامانی

ایکانینی کورری . طاهر البنته آدم وقوی بار پیره سو هم بار ریب
خوش بولوب یراققه مانکالمغان اوچون اونلوك آواز بیلان پاره
چینی قچقیرری . پاره چی درحال انینک الدیغه یوکوروب کلیب
سلام قیلدی . تینج امانلیق سوراشقاندین کین طاهر ایتی ای
اوغلوم من اوسوزلوقدین اولارورمن بر علاج قیلغیل پاره چی ایتی
ای اکا موندین نریراقدا یول بار سو هم یقین روز . طاهر اول بلا
غه آسیلیب مشرف طرفکا بر آز مانکغاندا چونک بر یولغه چبقتی
اول یول بیلان بر رم مانکغاندین کین بر آغانلیقغه یتیب اندا چونک
بر قورام تاش نینک استیدین چیقارورغان آبکیات ینکلدیغ مصفا بر
بولاق کورری . طاهر خدای تعالی غه حمد و شکر ایتیب اول سورین
ایچیب بدنینی هم یوری . بر مدین کین سرکوب اونکلانیب کو
یاکه ینکیدین جان کرکاندیک بولدی . ایمدی طاهر برارینی یار
یغه کلتوروب پاره چی بلاغه من بیلان همراه بولوب بارغیل ریب
یالباردی . پاره چی معقول ریب توپلارینی اوکاسیغه تاپشوروب
ایکولان عبدقارنی ایستاب الدیراب یوروب حلیقی تاش بیلان
برکتیلکان قدوققه یتکانده عبدقارننیک اوزالیب یاتقانینی کوروب
اوخلاب قالیب روز ریب خیال قیلدیلار . لیکن اول اوسوزلوق و
ایسیقدین اولکان ایرری . طاهر بر توغقانی نینک اولکانیکا غمکین
بولوب حسرت بیلان یانیب باریب بارارورغان سفرینی تمام قیلیب
میراثنی الدی .

معنیسی

ای برار سنینک هم بهشتده ساقلانغان میراثینک باردور . سنکا
انینک خبری یتکان روز لیکن سن عبدقار بیلان طاهر ریک انی

ایستناپ چمقیب بورنیاینک چولیده ازیقیب سن . اولار یول باش لایدورغان برکشی ایستناکاندیک سنکا هم بهشت نینک یولینی کورساتا دورغان بر پیشوا ضرور دور . اما تولا کشیلار بو یولنی من بیلورمن و من باشلاب بارورمن ریب هارغان و ایپیلکان یولا وچیلارنی شور سوغه یاکه قوروق قدوققه باشلاب بارارور . ایکی بر توغقان چولده اوساب کنکاندیک سن هم بعضی وقتلاردا نجاتنی تاپقالی یعنی آخرت نینک عزابلاریدین قوتولوب جنتکا بارغالی آج و تشنه بولورسن . سنینک بو اوسولوقونکنی قاندورماق اوچون پیشوالار دین نینک قوروقلاریغه ایب باریب سنکا سو برورلار . لیکن شور سونی ایچکانده اوسولوقنی زیاره قیلغاندیک اضطرارینک زیاره بولارور . خدانی راضی قیلماق و نجاتنی تاپماق اوچون اولار سنکا غسل طهارت نماز روزه و حج زکواتغه اوخشه عمل لارنی بیورارور . غسل طهارت بدننی ظاهری نجاستلار دین پاک قیلسه هم باطنینکنی یعنی کونکلوونکنی پاک قیلالمایدور . قولونکدین کلکان ثواب ایشلارنی قیلورسن . لیکن بیلماس سن که خدا اول عمل لارینکنی قبول قیلدی مو یاکه یاندوروب یوزونکا اوردی مو . بو نامعلوم دور . بو تالاشلار بیلان خداغه یقین کلمارینک بلکه یراق کتدینک . حج و زکوات بیلان شهرتینک چقتی حاجی و سخی اسمینی کوتار دینک . مونینک بیلان اجرینکنی الدینک . لیکن روحانی اوسولوقونک قانماری و هم قانمار سن . مونی تعصب و طرفدارچیلیقنی بر طرفده قویوب حقا نیت بیلان نظر قیلسانک و کونکلوونک نینک احوالینی سیناب باقسانک پات بیلورسن . سن هم عبدقارریک شور قدوقلارغه یانارسن مو . زنهاری برار عمرونک پات اوتارور . اوزونک بهشتدین یراق توروب سن . تریکلیک نینک سوپی حضرت عیسی دور . شول بولاق سندین

براق ایماس چونکه خدا سنی سفرینکده مسیح نینک امت لاریکا
اوچراشتوروی . بیزلار کوزکا ایلمایدورغان پاره چی بلالاردیک عاجز
دورمیز اگرچه سنکا بون نیار کی نرسه لارنی برهان بیز نینک قولیمیز
دا بولماسه هم تریکلیم نینک بولاقینی سنکا کورساتالورمیز . بیز انینک
دین ایچیپ دورمیز . ای حقیقتنی ایستاکان لار . بیزلار بیلان کلیب
آبکیاتدین ایچیپ ابدی حیاتلیقنی تاپینک لار . خدانینک کتابیدا
پتولوب دور کی مسیح قوروق یرده دریالاردیک و چولده چونک قورام
نینک سایه سیدیک دور . عیسی مسیح اوزی ایتیپ دور اوساغان کشی
منکا کلیب ایچسون . بیز انینکدین ایچیپ قاندوق و انینک سایه
سیدا راحت تاپتوق . و بیز بهشتکا یتکونچمه عمریمیز نینک باریدا
بو آبکیات بیلان سایه بیزکا یتادور . مونکا کواه دورمیز . بو کونغیچمه
امید قیلغان بولاق لاردین یوز اویروب خدانینک عطاسی خداوند
یمیز عیسی مسیح دا ابدی حیاتلیق دور خدا سنکا کورساتاکان
بولاق طرفیکا یانغیل .

آمین

S.M.S. KASCHGAR

1913

Translated From English